

ጾኑሲ ማደ"ም ዳኪንቴ ጳጳሮሴኮ ላምዓሳ ኪኢቶ" ዓይያ ካሮ"

ጾኑሲ ማደ"ም ዳኪንቴ፥ ጳጳሮሴኮ ሐና" ላምዓሳ ኪኢቶ" ፃኣፒንቴህ፥ ዲማ ዲማ ቤዘይዳ ሚናኣ ዎድ"ና ዓኣ ዩሱሴ ጉሙርቁ ጎናሲ ዔኬዘንሂምኬ። ኪኢቴሎኮ ጳጳሪ ማሊያ ሉኡዙሞና ዔርዘያ ማዔዘንሂኮ ዔርዚያ ዘሎ"ና ሙኬ ፑርቶ ማደ" ማኪ ዒያያኬ። ዩያ ማታሂኮ ጳጳሪ ማዓንዳኔ ጌይንቴ ማሊንታሂ' ዩሱሴ ፔ ዓኣፖና ዘጌዘንሂና ዒ ዔርዘ ዎድ"ና ፔ ዎዮና ዎይዜ ዓሳ ዔርዜ ባኮይዳፓ ጾኑሲና ጎዳ ዩሱሴ ኪሪሰቶሴና ዘሎ" ኮይሳ ዔራቶ ዴንቁሂኬ። ሐና" ኪኢቶ" ፃኣፔ ዓሂ ባሾ ዔርዘኒ ማሊሂ፡- «ኪሪሰቶሴ ላሚ ሙከብሴ» ጋዓ ሉኡዙሞ ሃይሶ ዘሎ"ኬ፤ ዩያ ዘሎ" ዒ ኬኤዘያ ኪሪሰቶሴ ማዒ ሙኪያ ኔጋሂ፡ ዓሲ ቢያ ጎሚይዳፓ ማዓንዳጉዲ ጾኑሲ ኮዓሂሮ፤ ሐሂ ዓይጎ ዓሲያ ባይቃንዳጉዲ ዒ ኮውዋኣሂሮኬ ጋዓኔ።

ጠፃኣፔላ ዲማ ዲማ ዓርቁ ባኮ

- ዓይያ ካሮ" 1፥1-2
- ዩሱሴ ጉሙርቁ ዓሳ ናንጋንዳ ጎይሂ 1፥3-21
- ሉኡዙሞና ዔርዘ ዓሶ ዘሎ" 2፥1-22
- ኪሪሰቶሴኮ ማዒ ሙኪያ ዘሎ" 3፥1-18

1 ዩሱሴ ኪሪሰቶሴም ማደያ ማዔሂና ዒዛ ማደ"ም ዳኪንቴ ሲሞኦኔ ጌይንታ ጳጳሮሴይዳፓ፡-

ኑ ጾኑዛሂና ኑኡኮ ጳጳሪ ማዕከላ ዩሱሴ ኪሪሰቶሴፓ ጳጳሪ ዓሉ"ሞ ዘሎ"ና ኑ ዴንቁ ጉሙርቁጾጉዳያ ማዔ ቦንቸንቴ ጉሙርቁጾ ዴንቁዘንሂም፤

2 ጾኑሲ፤ ሃሂ ኑ ጎዳሂ ዔሪሂና ሃሂ ዒዛይዳፓ ማዔ ጾኑሲኮ ኮሹሞ ዒንጊያና ኮሹሞና ዒንሂም ዲቦንጎ።

ጾኑሲኮ ዔኤሊ"ያና ደኦሪያና

3 ፔ ቦንቸና ሃሂ ፔ ኮሹሞና ኑና ዔኤሌ"ሂ፥ ዒዛ ኑ ዔሪሂሮ ናንጊንታ ጎኔ ዓያና ዓሲ ማዒሂንታም ኮይሳ ባኮ ቢያ ፔኤኮ ጾኑሴሞ ዎልቆና ኑም ዒንጌኔ።

4 ዩንሂ ኑም ዒንጊንቴ ባኮንሂ ዘሎ"ና ሳጋይዳ ዓኣ ፑርቶ ሱኡኮይዳፓ ዔቁያና ማሊያ ላቢ"ሳ ባኮይዳፓ ዒንሂ ቶሊ"፤ ጾኑሲ

ናንጋ ጎይያጉዲ ዲንሢያ ናንጋያ ማዓንዳጉዲ ቦንቸንጉይና ሃሣ ሚርገጌና ጳጳጌ ማዕ ሃጊ ማዓንዳ ዎዞ" ኑም ዒዚ ዲንገጌ።

5 ዬያ ዛሎ"ሮ ጌዒጋፓ ሃይፓ ሊካ ፓይዲንታ ባካ ዲንሢያም ቃሲ"ንታንዳጉዲ ኮዑዋቴ፤ ያኦሲ ጉሙርቂሢዳ ኮሹሞ፤ ኮሹሞይዳ ዔራቶ።

6 ዔራቶይዳ ፔና ቆሊሢ፤ ፔና ቆሊሢዳ ገቢ" ዳንዳዒሢ፤ ገቢ" ዳንዳዒሢዳ ዓያናና ዓኣ ዓሲ ማዒሢ።

7 ዓያናና ዓኣ ዓሲ ማዒሢዳ ዎለም ዓዳ" ጌርሲና ጌርናጉዲ ማለሢ፤ ጌርሲና ጌርናጉዲ ዎለም ማለሢዳ ናሹሞ ቃሱዋቴ።

8 ዬንሢ ባኮንሢ ዲንሢዳ ሚርገጌና ዓኣቶ ኑ ጎዳሢ ዬሱሰ ኪሪሰቶሴ ዲንሢ ዔሬ ዔራታ" ፓሣ ባኣዚ" ባኣያና ዓኣፒ ዓኣፑዎያ ዲንሢ ማሃዓኬ።

9 ዬንሢ ባኮንሢ ባኣ ዓሲ ጋዓንቴ ሃኬ ዓኣ ባኮ ዛጋጊ ዳንዳዑዎያ ዓኣፒ ባይቄ ዓሲኬ፤ ሃያኮ ቤርታ ዲሶ" ጎሞይዳፓ ማኣሪንቴ ጌኤሽኬሢያ ዒ ዋሌ።

10 ዬያሮ ታ ዒሹንሦ! ታ ሚሹንሦ! ዲንሢኮ ዔኤሊ"ንቴያና ደኣሪንቴያ ዔራጊ ሚርገጌና ዶዲዋቴ፤ ያዲ ዲንሢ ማዕቶ ፔቴ"ታያ ደሲንታዓኬ።

11 ዬያይዲያና ኑና ዳቂሻ፤ ጎዳ ዬሱሰ ኪሪሰቶሴኮ ናንገና ናንጋያ ማዕ ካኣቱሞይዳ ጌላጊ ጉቤ ቢታንቶ ዲንሢም ዲንገንታንዳ።

12 ዎዚ ሃንሢ ባኮንሢ ዲንሢ ዔራያና ዓርቄ ጎኑሞና ዶዲ ናንጋያ ማዕቶዎ ዬያቶ ዲንሢም ኬኤዚ ጳቂሦሢ ታ ዋላ"ዓኬ።

13 ታኣጊ ሸምፖና ዓኣያ ዲንሢ ቢያ ኬሊ" ጴቻንዳያ ታና ኮይሳጌ ጌዒ ታ ማላ።

14 ኑ ጎዳሢ ዬሱሰ ኪሪሰቶሴ ታኣም ዳቄ ጎይያና ሓኖ" ዓጮ"ይዳፓ ዑኬና ሃይቄ ታ ዶማዳንዳሢ ታ ዔራ።

15 ሃሢ ታ ዲንሢም ዶዲሽ ኬኤዛሢ ሃይቄ ታ ዲንሢዳፓ ዶማዳሢኮ ገንፃፓ ማዕቴያ ዬንሢ ባኮንሢ ዋሎ"ዎያ ቢያ ኬሊ" ዲንሢ ጳቂሣንዳጉዲኬ።

ኪሪሰቶሴኮ ቦንቸ ዓኣፒና ዳንቄ ማርኮንሢ

16 ኑ ጎዳ ዬሱሰ ኪሪሰቶሴኮ ዎልቆና ዒዛኮ ሙኪያ ዛሎ" ኑ ዲንሢም ኬኤዛ ዎዶ"ና ኑ ኑ ቶኦኪና ዒዛኮ ዒጊቻ ቦንቸ ዓኣፒና ዛጊ ማዓንዳኣፓዓቴም ዓሲ ዔራቶና ኬኤዚንቴ ሓይሴ ዓርቂቱዋሴ።

- 17 «ታና ዋዛሳ፣ ታኣኒ ናሽካ ናዓሢ ታኣኮ ሃያኬ» ጋዓ ዑኡዛ ጴኤፖ ቦንቾይዳፓ ጊዛሞ ሙኬ ዋድ"ና ጾኦሲ ዓዳሢዳፓ ጊዚ ጋላታና ቦንቾና ዔኬኔ።
- 18 ጊዛና ዋላ" ጌኤዡ ዲኩ"ይዳ ኑ ዓኣጾ ዬኖ ጫሪንጫፓ ሙኬ ዑኡዛ ኑ ኑ ቶኦኪና ዋይዜኔ።
- 19 ዬኖ ሃሣ ሚርጌና ጎናሳ ጾኦሲ ማሊያ ኬኤዛ ዓሶኮ ቃኣላ" ኑ ኩራ ዓኣኔ፤ ዬኖ ቃኣሎ"፡- ሳዓ ካሪ ካሪያ ዡኦጋሢያ ጊንሢኮ ጊና" ፖዓንዳኣና ዲሚዳ ፖዓ ፖዒጉዲ ሂርጊ ጊንሢ ዓርቂ ካፔቶ ቃራኬ።
- 20 ቢያ ባኣዚ"ኮ ቤርታ ጊንሢ ጳቂሢ ዔራኒ ኮይሳ ባኣዚ" ጌኤዡ ማፃኣፖይዳ ዓኣ ጾኦሲ ማሊያ ዓይጎ ማዔቶዋ ፔቴ" ዓሲታጾ ፔ ማሊሢና ቡላ"ኒ ዳንደዑዋያ ማዔሢኬ።
- 21 ዓይጎር ጌዔቶ ጌኤዡ ማፃኣፖይዳ ዓኣ ጾኦሲ ማሊያ ቢያ ፔቴ"ታጾ ዓሲ ማሊሢና ኬኤዚንቴያቱዋሴ፤ ጋዓንቴ ዓያና ጌኤሺ ዓሶሞ ኬኤዜም ዓሳ ጾኦሲዳፓ ዔኪ ኬኤዜያኬ።

2

ሉኡዙሞና ዔርዛ ዓሶ

- 1 ቤርታኣ ዋድ"ና ዴሮ" ባኣኩ"ይዳ ሉኡዙሞና ጾኦሲ ማሊሢ ኬኤዛኔ ጋዓ ዓሲ ዓኣሢጉዲ ጊንሢ ባኣኩ"ይዳኣ ሃሢ ሉኡዙሞ ባኮ ዔርዛ ዓሲ ጴዳንዳኔ፤ ዔያታ ባይሲንታ ባንሢ ዔኪ ዓኣዳ ሉኡዙሞ ባኣዚ" ዔራቶ ዴሜና ዔኪ ጌልዛንዳኔ። ዬያይዲያና ዔያቶ ሻንቂ ጌኤሼ ጎዳሢታጾ ዔያታ ዔራዋሴ ጌዔም ባይሲንታ ዑኬና ዔያቶ ሄላ"ንዳኔ፤
- 2 ዬያ ዛሎ"ና ሚርጌ ዓሳ ዔያቶኮ ቦርሲሳ ማድ" ማዳንዳኔ፤ ዔያቶኮ ዬያ ማድ"ይዳፓ ዔቂያና ጎኦም ጎይፃ ጫሽኪንታንዳኔ።
- 3 ዬያታ ሉኡዙሞና ዔርዛ ዓሳ ሚኢሹ ዛጊ ጎጋይቂሢዳፓ ዔቂያና ፔኤኮ ኬሴ" ሃይሴ ኬኤዚ ኬኤዚ ዋልቆ ጊንሢሲ ጌሺ ሙዓንዳኔ። ጾደሲ ዋዴኮ ቤርታፓ ዓርቂ ፑርታ ዋጌ ዔያቶም ጊኢጊንቲ ዓኣኔ፤ ባይሲንታ ሃሣ ዔያቶ ጴጪ ካፒ ዓኣኔ።
- 4 ጾኦሲ ጎሜ ማዴ ኪኢታንቾታጾ ጴኤፖ ዲሞይዳ ካኒ ቢራታና ቱኪ" ዋጎ ኬሎ" ካፓንዳጉዲ ኬኤሬያፓዓቱም ዔያቶም ሚጪንቲባኣኔ።
- 5 ዬያጉዲ ጾኦሲ ሃያኮ ቤርታ ጎሞ ዓሳ ናንጋ ዓጮ"ይዳ ባይሲንቶ ዋኣጾ ዔኪ ሙካጾ ጌኤሹሞ ዛሎ" ኬኤዛ ናሢ ላንካይ

1:18 ማቴ. 17፣1-5፤ ማር. 9፣2-7፤ ሉቃ. 9፣28-35።

ዓሲና ዎላ" ዓይሴያፓዓቴም ቤርታዳ ዓጮ"ም ዒዚ
ሚጨገቲባኣሴ።

6 ሃሣ ጊንሣ ጎሜ ማዳ ዓሲም ቢያ ዎጊንቲሢኮ ኮኣኪንሢ
ማዓንዳጉዲ ሶዶኦሚና ጋሞኦራና ካታማ" ዲቢንሢ ማዓንዳያ
ሄላ"ንዳኣና ታሚና ሚቸንቲ ባይቃንዳጉዲ ዎጌ።

7 ዓይሢንቲያ ዒፃ ዓሶኮ ቦርሲሳ ማዳ" ዛጊ ዒኖና ማሊ ማሊ
ሚታዲ ናንጋ ጌኤዣሢ፤ ሎኦፃ ጋዓንቲ ዒዚ ዓይሴ።

8 ዓይጎሮ ጌዔቶ ዩይ ጌኤዣ ዓሢ ዔያቶ ባኣካ" ናንጋኣና ቢያ
ኬሊ" ዒ ዛጋ ባኮና ዎይዛ ፑርቶ ማዳ" ዛሎ"ና ጌኤሺ ማዔ
ሼምፓሢ ዒዛኮ ሚታዳ።

9 ዓካሪ ዩይ ቢያ ያዲ ማዔቶ ያኦሲ ጎኑሞና ካኣሽኪ ናንጋ ዓሶ
ደቢሳ ባኣዚ"ዳፓ ዓይሴ፤ ሃሣ ጎሞ ዓሶ ሚታሲ ዎጎ ኬሎ"
ሄላ"ንዳኣና ጌሢ ዎይቲ ካፓንዳቴያ ያኦሲ ዔራ።

10 ባሽ ዩኖ ዒኢሳያ ማዔ ዓሶ ማሊያ ሱኡኮ ኩንሣዞንሢና
ያኦሲኮ ዔራቶ ቦሃዞንሢና ዎጌም ዒዚ ካፒ ጌሢ።

ዩያታ ሉኡዙሞ ባኮ ዔርዛ ዓሳ ጫርቃያና ያቶርቃያና ማዔሢሮ፤
ጫሪንጫ ዎልቄና ዓኣ ማዢንቶ ጫሽካኣና ዔያታ ዒጊጩዎሴ።

11 ያኦሲኮ ኪኢታንቻ ዔያቶይዳፓ ዎልቄና ቢታንቶና ባሻያ
ማዔቶዎ ጎዳ ቤርቶይዳ ጫሪንጫ ቢታንታ ዓኣዞንሢ
ጫሽኩዎሴ።

12 ዩያታ ሉኡዙሞ ባኮ ዔርዛ ዓሳ ጋዓንቲ ፔኤሮ ማሊ ዒና ዔኪ
ዔራዎ ጫሺ ጫሽካ፤ ዔያታ ፒሮና ዓርቂንቲ ባይቃኒ ሾይንቲያ፤
ሃሣ ፔ ሺና" ዓይሣ ጎይያ ኩንሣያ ዒናባኣ ካዮ ቦዎጉዴያኬ፤ ዩያሮ
ዔያታ ካዮ ቦዓ ባይቃሢጉዲ ባይቃንዳ።

13 ዔያቶኮ ፑርቲሞ ዛሎ"ም ዒንጎ ዎጎ ዔያታ ዔካንዳ፤
ዔያቶኮ ዎዛ" ቢያ ኬሊ" ዓሲ ማሊሢም ኮይሳ ባኮ ኩንሣሢኬ፤
ጌሻያ ማዔ ዓሲም ኮይሳ ባኮና ቢያ ኬሊ" ዎዛዳያታዎ ዒንሢ
ናሹሞና ሙዓ ሙዎ ቤዞ ዓኣዲያና ዒንሢ ቦርሲሳያኬ።

14 ጎሜ ማዳሢዳፓ ጊንሢም ጎሙዎና ማቾ ሃሣ ዒኒ ማዒባኣ
ዓሲና ላሃሢ ሌሊ ዛጋ ዓኣፒ ዔያቶኮ ዓኣኔ፤ ደዲ ዔቂባኣ ዓሶዎ
ዔያታ ደቢሻ፤ ሃሣ ሚኢሼ ዛጊ ጎጋይቂሢ ዔራ ዒኔ ዔያቶኮ
ዓኣኔ፤ ዩያሮ ዔያታ ጋዳንቂንቲ ዓሲኬ።

15 ዔያታ ፒዜ ማዔ ጎይያ ሃሺ" ፑርቶ ማዳ"ሮ ዒዛም ዒንጎ
ቦንቾ ማዔ ሚኢሹ ናሽኬ፤ ቢዎሪ ናኣዚ"፤ ባኣላኣሜ ጎይያማ ዓኣዲ

2:5 ማዢ. ማፃ 6፤1—7፤24። 2:6 ማዢ. ማፃ 19፤24። 2:7 ማዢ. ማፃ
19፤1-16።

ደቢንታኔ።

16 ያኦሲ ማሊያ ከኤዛ ባኣላኣሜ ጋዓንቲ ዒዚ ማዳ ጎሞ ዛሎ" ቆዲ "ንቴኔ፤ ሃሣ ጌሰቲ ዔሩዋ ሃራሰኬና ዓሲ ዑኡሲና ዒዛም ከኤዚ ዒዛኮ ዣኣሹሞ ማደ" ላኣጌኔ።

17 ያኣታ ዓሳ ዓልቃያታ? ሚጩ ዋርዚጉዳያኔ፤ ሃሣ ዠባሬ ሃዒ ዔኪ ዓኣዳ ሻኣሬጉዳያኔ፤ ዬያሮ ዔያቶ ሻኔ ደሚ ካፒ ዓኣኔ።

18 ዓይጎሮ ጌዔቶ ዣኣሊ ናንጋ ዓሶ ባኣካ"ፓ ከሰኪ ሙኬዎ ናንጊባኣ ዓሶም ጉሪ ማዔ ዳኤፒ ሃይሴ ከኤዚ ከኤዚ ማቾ ሃሣ ዓጊ ማዒባኣ ዓሲና ላሃ ዓሲ ማሊሂ ሱኡኬ ኩንሃ ጎይሂና ዔያቶ ጌሻኔ።

19 ጊንሣ፡- «ጎሜ ዓይላ"ቶይዳፓ ዒንሂ ከሰካንዳኔ» ጌዒ ጌዒ ዓሶም ሃጊ ማዓንዳ ዋዛ ዒንጋኔ። ዔያታ ጋዓንቲ ፔ ቶኦኪና ጎሜኮ ዓይሌ"ኩ። ዓይጎሮ ጌዔቶ ዓሲ ባሺንታ? ባሺሂም ዓይሌ" ማዒ ቆሊንታኔ።

20 ኑ ጎዳሂ፥ ኑና ዳቂሽ ዬሱሰ ኪሪሰቶሴ ዔሪ ሳይይዳ ዒኢሳ ባኮይዳፓ ቶላ"ዎ ጊንሣ ዬኖ ዒኢሳ ባኮና ዓርቂንቲ ዔያታ ባሺንቲቲ ቤርታኣሰካፓ ዑሣ ጊንፃኣሲ ዔያቶም ባሺ ፑርታንዳኔ፤

21 ዓይጎሮ ጌዔቶ ጌኤኮ ጎይዎ ዔሪ ዔያቶም ዒንጊንቲ ዳሚዳ ዓይሂዎ ሃሺ" ጊንሂም ማዓሰካፓ ቤርታ ዔያታ ጌኤኮ ጎይዎ ዔሩዋ? ዓቴቶ ቃራታ?ኩ።

22 «ካጊ ጮኣሽኪ ጮኣኮ ጊንሣ ሙዓኔ» ዬያጉዲ ሃሣ «ጉዳንሂ ዑዎ ማሰቲሰካፓ ጊንሣ ደቃሌይዳ ኮላዳኔ» ጌይንቲ ከኤዚንቲ ኮኦኪንሣ ዔያቶይዳ ጎኔ ማዒ ኩሜኔ።

3

ጎዳ ዬሱሴኮ ላሚ ሙኪዎ ዛሎ"

1 ታ ዒሹንሃ! ታ ሚሹንሃ! ሃይ ታ ዒንሂም ፃኣፓ ላምዓሲ ከኢታኬ፤ ላምዎ ከኢቶ" ታ ዒንሂም ፃኣፔሂ ሃንሂ ባኮንሂ ዒንሂ ጳቂሳንዳጉዲና ፒዜ ማሊሂ ዓኣያ ማዓንዳጉዲ ዒንሂ ጴቻጊ ጌዒኩ።

2 ሃያኮ ቤርታ ያኦሲ ማሊያ ከኤዛ ጌኤኮ ዓሳ ከኤዜ ቃኣሎ"፤ ዬያጉዲ ዳኪንቲ ዓሶ ዛሎ"ና ዒንሂ ዳንቄ ኑ ጎዳሂ፥ ሃሣ ኑና ዳቂሽሂኮ ዓይሂዎዋ ዒንሂ ጳቂሂንዳጉዲ ታ ኮዓኔ።

2:16 ፓይ. ማፃ 22፥4-35። 2:22 ኮኦኪ. 26፥11።

3 ሃሣ ቢያ ባአዚ"ኮ ቤርታ ዬያ ባኮ ጳቂሱዋቲ፤ ዬይ ዓይጎዳይ ጌዬቶ ጋፒንያ ኬሎ"ና ቦሃ ዓሲና ፔኤኮ ፑርቶ ሱኡኮ ሌሊ ኩንሣ ጌሻ ዓሲ ሙካንዳኔ፤

4 ዔያታ ሙካያ:- « ሳዳ ዬሱሴ ሙካንዳኔ ጌይንታ ዋዘ" ዒንገንቲባአዓዳ? ሂዳያ ሃሣ ዋካ ዓአይ? ኑኡኮ ቤርታ ዓደንሣ ሃይቄሰካፓ ዓርቃያ ቢያ ባካ ማዢንቶኮ ዓይያይዳፓ ሃኖ" ሄላ"ንዳአና ዓአማ ጉዴያኬ» ጋዓንዳኔ።

5 ዬያታ ዓሳ ሚርጌ ዋዴኮ ቤርታ ሳያንታ ጫሪንጮንታ ያኦሲ ቃአሎ"ና ማዢንቲሣ ሳዚ «ኑ ዔሩዋሴ» ጋዓንዳኔ፤ ሳዓ ማዢንቲሣ ዋአሣ ባአካፓ፤ ሃሣ ዋአሣና ማዢንቲሣ «ዔሩዋሴ» ጋዓንዳኔ።

6 ቤርታዳ ሳዓ ዬያይዳያና ዋአሣና ዔኤዲንቲ ባይቄኔ።

7 ሃሣ ዓአ ጫሪንጮንታ ሳያንታ ዓይሣንቶ ዒያ ዓሳአ ባይቃንዳ ጋፒንያ ዋጎ ኬሎ" ሄላ"ንዳአና ዬያ ያኦሲ ዋልቆና ታሚሞ ካፒንቲ ዓአኔ።

8 ዒጊኖንሣዮቲ! ዒንሣ ጋዓንቲ ጎዳሣ ኮራ ፔቲ" ኬሊ" ሺያ ሌዔ፣ ሺያ ሌዔ ፔቲ" ኬሊ"ጉዴያ ማዔሣ ዬማ ፔቲ" ባአዚ" ዋሊ"ፖቲ።

9 ፔቲ" ፔቲ" ዓሰሞ ናፓያ ማላሣጉዲ ጎዳ ዬሱሴ ዒዚ ኬኤዜ ሃጊ ማዓንዳ ዋዘ" ቃአሎ" ኩንሣኒ ናጊንዴዋሴ፤ ጋዓንቲ ዓሲ ቢያ ጎሚፓ ማዓንዳጉዲና ሃሣ ፔቲ"ታያ ዓሲ ባይቁዋጉዲ ዒንሣ ዘሎ"ሮ ጌዒ ዒዚ ገቢ" ካፓኔ።

10 ጎዳሣኮ ኬላ" ጋዓንቲ ዉሲጉዲ ዔሩዋንቲ ሙካንዳኔ፤ ዬኖ ኬሎ"ና ጫሪንጮ ዴኤፒ ዑኡሲና ዓአዳንዳኔ፤ ጫሪንጮ ማዢንታአ ቢያ ታሚና ሚቺንቲ ባይቃንዳኔ፤ ሳያና ሳያይዳ ዓአ ባካ ቢያ ሚቺንታንዳኔ፤

11 ዓካሪ ቢያ ባአዚ" ዬያይዲ ባይቃያ ማዔቲ ሂዳያ ጌኤሹሞና ሃሣ ዓያናና ዓአ ዓሲ ማዒ ናንገሣ ዋይቲ ዒንሣሞ ኮይሱሞ ዓታንዳይ?

12 ዬያሮ ያኦሲኮ ኬላ" ሙካንዳሣ ጳቂሣ ካፓያና ዒዚ ዑኬ ሙካንዳሣ ዔሪ ማዳያ ማዑዋቲ፤ ዬኖ ኬሎ"ና ጫሪንጮ ታሚና ሚቺንቲ ባይቃንዳኔ፤ ጫሪንጮ ዓአ ማዢንታ ታሞኮ ያይዳፓ ዔቄያና ዓልቃንዳኔ፤

3:3 ዪ.ሁ. 18። 3:5 ማዢ. ማፃ 1፥6-9። 3:6 ማዢ. ማፃ 7፥11። 3:8 ዓይኑ. 90፥4። 3:10 ማቲ. 24፥43፤ ሉቃ. 12፥39፤ 1፥ቲሲ. 5፥2፤ ዮሐ. ያፔዳ 16፥15።

13 ጋዓንቴ ዲሎ"ሞኮ ማኣሪ ማዔ ዓኮ ጫሪንጮና ዓኮ ሳዖና
ዒዚ ኬኤዜ ሃጊ ማዓንዳ ዎዞ" ቃኣሎ" ጎይዖ ኑ ካፓኔ።

14 ዩያሮ ዒጊኖንሢዮቴ! ዩይ ቢያ ማዓንዳ ኬሎ" ካፒሢዳ
ዒንሢ ዓኣቶ ቦርሲሳ ባኣዚ" ባኣያ ሃሣ ዒንሢ ቦሂሳ ባኣዚ" ባኣያ
ማዒ ዒንሢ ዓኣንቴ ጎዳ ዒንሢ ኮሺና ሙኪ ዴንቃንዳጉዲ ደዲ
ማዲዎቴ፤

15 ኑ ጎዳሢ ጊቢ" ዴዔሢ ዒንሢ ዳቃንዳጉዲ ጌይ ማዔሢ
ዎሊ"ፖቴ፤ ናሽኪንታ ኑ ዒሻሢ ጳውሎሴያ ፔኤሞ ዒንጊንቴ ዔራቶ
ጎይዖና ዒንሢሞ ፃኣፔሢ ዩያኬ።

16 ዒዚ ዩኖ ዛሎ" ፔ ኪእቶ"ይዳ ቢያ ሃማ ጎይዖ ፃኣፔኔ፤ ዒዛኮ
ኪእቶ"ይዳ ፔቴ" ፔቴ" ዔራኒ ሜታሳ ባኣዚ" ዓኣኔ። ዔራቶ ፓጩ
ዓሰና ሴካ ሃንጋ ጌዒ ሺራ ዓሳ ጌኤዡ ማፃኣፖ ማሊዖ
ዎቢሳሢጉዲ ዩንሢ ባኮዎ ዎቢሳንዳኔ፤ ያዒ ዔያታ ማዲዖና
ባይቃንዳኔ፤

17 ዒንሢ ጋዓንቴ ዒጊኖንሢዮቴ! ዩያ ቤርታዲ ዔሪሢሮ
ዓይሢንቶ ዔፃ ዓሰ ማሊዖይዳ ጌሊ ዒንሢ ደዲ ዔቁ ቤዛፓ
ሎኣሙዎጉዲ ኮሺ" ዔሩዎቴ፤

18 ቢያፓ ባሼ ኑ ጎዳሢና ኑና ዳቁሻ ዩሱስ ኪሪስቶሴኮ ኮሹሞና
ዒንጊንታ ዒንጊዖና ጊንሣ ዒዛ ዔሪሢሮ ዲጩዎቴ፤ ዒዛሞ ሃሢያ
ሃጊያ ናንጊና ቦንቾ ማዖንጎ! ዓኣሜን።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1